



Wënd Tën-tuumã (Wënd puusg la A tulgr be a yïnga) wilga maam -ti mam tallã be a tal a yiibã suka- Sahdã wala a sën wilgd maam suurã Alkurãanë wã

Yii a [bn Mas'ud nengë, (Wënd yard be a yïnga), a yeelame: Wënd Tën-tuumã (Wënd puusg la A tulgr be a yïnga) wilga maam -ti mam tallã be a tal a yiibã suka- Sahdã wala a sën wilgd maam suurã Alkurãanë wã: «At-tahyaatu Lillaahu, waş-şalawaatu waţ-ţaybaatu, assalaamu alayka Ayyuhannabiyu wa rahmatullaahu wabarakaatuhu, assalaamu alaynaa wa 'alaa 'ibaadullaah Aş-şaalhuna, ashadu anlaa-ulaaha ulallaahu, wa Ashadu anna Muhammadan Abduhuhu wa rasuluhu». La waa Al-buhaarî la Muslim pugë gom-biis a taaba, yeelame: «Ad Wënde, Yë la Tulgrã (Assalaamu) rënd yãmb yembr fãa sã n zïnd Puusgë wã, bi a yeele: «At-tahyaatu lillaahu, waşşalawaatu waţ-ţaybaatu, Assalaamu Alayka Ayyuhannabiiyu wa rahmatullaah wabarakaatuhu, Assalaamu 'Alaynaa, wa 'alaa 'ibaadullaah Aş-şaalhuna», rënd a sã n yeel-a a yel-sömdã tata Wënd yamb söng fãa sën be saasë la têngë, ashadu anlaa-ulaaha ulallaahu, wa Ashadu anna Muhammadan Abduhu wa rasuluhu, rë poorë, a tûus yë sën rat n na n böös bümb ning fãa, n kose»

[Naşun Şahuhun (Gom-sikdem sën manege)] [B zemsa taab a zugu (A Al-Buhaarîy la a Muslim n reeg-a)]

Nabiyaamã (Wënd puusg la A tulgr be a yïnga) wilga a [bn Mas'ude, (Wënd yard be a yïnga) Sahd ning b sën yet Puusgë wã, la Nabiyaamã ninga a nugã a [bn Mas'ud nus a yiibã suka, sën na yülë t'a kelg söma, wala a sën wilgd-a suura Alkurãanë wã, ti yaa bümb sën wilgd Nabiyaamã (Wënd puusg la A tulgr be a yïnga) ning-m-toagã sën ta zïig ning ne Sahdã, a gom-biisã la a maanã wã. T'a yeele: "Attahyaatu Lillaahu". Yënda yaa gomd maa tuumd fãa sën tees zisgrã, a fãa gill yaa bümb sën sömb ne Wënde, (A Naam yu wagell n zëke). "Aş-şalawaatu": La yënda la Puus-rãmb nins ned fãa sën mi wã, a farila la a naafila, a fãa yaa Wënd A Yembr n so, (A Naam yulg n zëke). "Aţ-ţaybaatu": Yë yaa gom-biisi, la tuuma, la stf-rãmb sën yulge n wilgd pidb tekë, a fãa gillã yaa Wënd n sömb ne-a, (A Naam zëkame) "Assalaamu 'alayka Ayyuhannabiyu wa rahmatullaahu wabarakaatuhu": Yaa kosgo n kô Nabiyaamã, ti Wënd tulg-a n yi zang la wëng fãa, la A paas wusg n kô-a bümbã fãa gill sën yaa söma. "Assalaamu alaynaa wa 'alaa 'ibaadullaah Aş-şaalhuna": Yaa kosgo ne tulgre n kô puusd la yamb söng fãa sën be saasë la sën be têngë. "Ashadu anlaa-ulaaha ulallaah": Rat n na n yeelame ti m reega m zugë, reegr sën kenge, ti soab tûudg sid-sid ka be ti sã n ka Wënd ye. "Wa anna Muhammadan Abduhu wa rasuluhu": M reegda m zugë ne-a ne Wënd yemba la A Tën-tumdã sën Pidsã. Rë poorë Nabiyaamã (Wënd puusg la A tulgr be a yïnga) pirsã puusdã t'a tûus doaag ning yë sën tull n kose.

النجاة الخيرية
ALNAJAT CHARITY

